



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Epitaphium Illustrissimi Et Excellentissimi Domini, Domini
Joannis Balthasaris Comitis de Hoyos, &c. Austriae
Mareschalli, Consiliarij Intimi**

Abraham <a Sancta Clara>

[Salzburg], 1688

urn:nbn:de:hbz:466:1-36463

36

16

10


27

1750 May

15. Traktat

(eine unvollständige)





EPITAPHIUM
ILLUSTRISSIMI ET EX-
CELLENTISSIMI
DOMINI, DOMINI
JOANNIS
BALTHASARIS
COMITIS de HOYOS, &c.
AUSTRIÆ MARESCHALLI,
CONSILIARIJ IMTIMI.

Qui pie obiit Viennæ, ANNO M. DC. LXXXI. Die 10. Octobris.

~~~~~  
SISTE VIATOR!

Lege & Luge.

Hic jacet inter exiguos Cineres  
EXCELLENTISSIMUS,  
Inter obscuras Umbras  
ILLUSTRISSIMUS  
COMES de HOYOS,  
Comes, si Comitatem spectas, *Comissimus*,  
Si Nobilitatem, *Comptissimus*  
Erat hic Austriæ Inferioris Superior,  
vel, si mavis, Mareschallus.  
Hunc *occupatissimum* semper  
Mors tamen sat frigida, rigida  
*preoccupavit*.  
Et sic de repente!

):( 3

Sed



Sed præclarâ vitâ omnem honestare  
Obitum valet.

Vere erratis Grammatici,  
dum asseritis,

Verbum *vivo* esse *neutrum*,  
cùm reverà sit, *deponens*,

Sed ô cæca Mors!

In Autumno debuisses *vitem* non *vitam*  
amputare.

Quis iste modus seu motus?

Dum alij *poculis* dulce Mustum colligunt,

Tu *oculis* acerbum succum propinas;

sed crede,

Reliquit *Octobrem* in terris,

Ut inveniret *Majum* in Cœlis,

Ubi florebit in perpetuas æternitates.

Discessit è vivis *Decimâ*,

Quæsiturus in Cœlis *Octo*,

scilicet *Beatitudines*.

Epilogus vitæ fuit ei Dies *Veneris*,

Res rara!

Quòd diem *Veneris* in *Sabbatum*

Mutârit,

Et *quieverit* in Domino,

Qui rarò quievit pro Domino.

Res chara!

Quòd in signo *Libræ* obdormierit,

qui pro *Libra* Justitiæ

indefinenter vigilabat.

Res clara!

Quod in die *Jejunij* obierit,

Nimirum, ut satiaretur in *Cæna Magna*,

quam præparavit Dominus

diligentibus se.

Invasit



Invasit eum dira ac dura Mors  
de Nocte,  
Ast non mirare,  
Quia *Lux* erat,  
Sed absque fumo avitæ Gloriæ.  
Paulò ante obitum poplite flexo  
Veneratus est Iconem  
Divæ DEIPARÆ.  
Dic ergò!  
O felix *occasus*! cui hæcce *Aurora*  
adstipulatur.  
Reliquit post se cum Mæstissimâ Coniuge  
Duos & Duas  
Lectissimas proles,  
Ubi miraberis pariter Virum *Singularem*  
*in plurali*.  
*Nemo quidem*, ait *Sacra Pagina*,  
*Potest duobus Dominis inseruire*,  
Sed hicce tribus,  
videlicet:  
Regi,  
Gregi,  
Legi.  
Nam Cæsari *totus*, quia *tantus*;  
Nobilibus *gratus*, quia *gratiosus*;  
Populo *charus*, quia *charitativus*;  
Patriæ *Parens*, quia *parcens*,  
Omnibus *suavis*,  
Nemini *gravis*.  
Meretur igitur *Lachrymas*,  
Qui nulli excussit *Lachrymas*.  
BALTHASAR noster ductus *bonâ*  
*Stellâ* ad DEUM videndum,

Reliquit



Reliquit tamen *Myrrham* Conjugi  
Conjungendus ipse Superis.  
*Marianus* noster, hocce nomen meretur,  
Quia Divæ Virgini  
ædes Magnificas  
erexit,  
dilexit,  
dotavit,  
ditavit,

In Guetenstein.

Consultò fecit, qui supra hanc *petram*  
ædificavit salutem suam.  
O quàm benè tibi hospes  
precari licebit!

Requiem æternam *dona* ei Domine!

Qui *Dona* non accepit,  
Qui propter hoc *aureus*,  
Quia post *aurum* non abiit,  
Sed obiit, ah obiit!

*Consiliarius* Cæsaris,  
& *tuus*, ô Viator,  
Nam audi Consilium,

Aspice  
me

Inspice  
te

Suspice  
DEUM

Mortuum, Moriturum, Mortuos & vivos  
Judicaturum,

*Ita Pij's Manibus parentavit. Fr. ABRAHAM.*

F I N I S.




Conglobata Manu A Josephi, praedicala Aetologia. - 14.






NK




















Toraham  
S. Pass

1111  
1111  
1111